

UPM tidak cadang kembang pengajian ijazah di IPTS

SERDANG: Universiti Putra Malaysia (UPM) tidak bercadang mengemban pengajian peringkat ijazah sarjana muda di enam institusi pengajian tinggi swasta (IPTS) yang menjalin kerjasama dengan universiti terbabit kini.

Naib Canselornya, Prof Datuk Dr Nik Mustapha Raja Abdullah, berkata perkara itu antara lain disebabkan komitmen yang perlu diberikan pensyarahnya kepada bidang penyelidikan dan pembangunan yang kini menjadi teras UPM.

“Jika kami kembangkan pengajian ijazah sarjana muda di enam IPTS ini, kami perlu memberi komitmen lebih, sekali gus menyebabkan pensyarah terbabit terpaksa memperuntukkan masa dan tugas mereka.

“Bagaimanapun, tiada masalah untuk membincangkan kemungkinan akan mengembangkan bidang pengajian peringkat diploma,” katanya pada Majlis Menandatangani Memorandum Perjanjian (MoA) membabitkan program kerjasama pendidikan antara UPM dan enam IPTS di sini, semalam.